



**BOSNA I HERCEGOVINA
PARLAMENTARNA SKUPŠTINA
PREDSTAVNIČKI DOM
KOMISIJA ZA FINANSIJE I BUDŽET**

Broj: 01/4-011- 726 /01
Sarajevo; 07.11.2001.god.

IZVJEŠTAJ

sa 21. sjednice Komisije za finansije i budžet održane 07.11.2001.god. u 13,00 sati.

Sjednici su prisustvovali sljedeći članovi:

Emina Zaćiragić, Predsjedavajući Komisije
Ljubomir Kovačević, Prvi zamjenik predsjedavajućeg komisije
Ramiz Vilić
Boro Bjelobrk
Dragi Stanimirović

Našid Oruč, sekretar

Odsustvovanje sa sjednice Komisije najavio je Zdenko Vukić.

Sjednici su takođe prisustvovali pozvani predstavnici predlagača Zakona o koncesijama BiH: Nikola Kragulj, Zamjenik ministra vanjske trgovine i ekonomskih odnosa, Sena Hatibović i Dragiša Mekić, pomoćnici Ministra vanjske trgovine i ekonomskih odnosa,

te pozvani predstavnici predlagača Zakona o statistici BiH: Jusuf Halilagić, Zamjenik Ministra civilnih poslova i komunikacija i Savo Gajić i _____ Stanković, savjetnici Ministra civilnih poslova i komunikacija.

Komisija je usvojila sljedeći dnevni red sjednice:

1. Usvajanje izvještaja sa 19. i 20. sjednice Komisije
2. Razmatranje Zakona o koncesijama BiH
3. Razmatranje zakona o statistici BiH
4. Druga pitanja

- I. Komisija je jednoglasno usvojila izvještaj sa 19. i 20. sjednice Komisije.
- II. Utvrđujući uslove za razmatranje nacrtu Zakona o koncesijama BiH i Zakona o statistici BiH, Komisija je u skladu sa zaključkom sa 4. sjednice Komisije ocijenila da je kao uslov za razmatranje potrebno da sjednici Komisije prisustvuje predlagač na nivou ministra odnosno zamjenika ministra.

Na ovu konstataciju prisutni predstavnici ispred predlagača su pozvali Zamjenika ministra vanjske trgovine i ekonomskih odnosa Nikolu Kragulja i Zamjenika ministra civilnih poslova Jusufa Halilagića, koji su se odmah odazvali pozivu, nakon čega je Komisija konstatovala da može nastaviti razmatranje navedenih nacrtu zakona

Zamjenik ministra Kragulj je upoznao Komisiju o sastanku koji je prethodnog dana održan između predstavnika Vijeća Ministara BiH i predstavnika entiteta, na kome je ustanovljena nesaglasnost oko ponuđenog teksta nacrtu Zakona, te da je postignut kompromis oko izmjena i odgovarajućeg uređenja spornih pitanja. Zamjenik ministra Kragulj je obavjestio Komisiju da će novi tekst nacrtu zakona o koncesijama BiH Vijeće ministara imati u ponedjeljak 19.11.2001.god., smatrajući svrsishodnim da Komisija razmatra takav novi tekst nacrtu zakona.

Zamjenik ministra Jusuf Halilagić je takođe iznio istovrstan problem u odnosu na nacrt zakona o statistici BiH.

Razumijevajući da se navedene okolnosti koje su iznijeli predlagači nacrtu Zakona o koncesijama BiH i nacrtu Zakona o statistici BiH moraju uvažiti, vodeći se odredbama Poslovnika Predstavničkog doma, Komisija je donijela zaključak:

Razmatranje Nacrtu zakona o koncesijama BiH i Nacrtu zakona o statistici BiH se skida sa dnevnog reda 21. sjednice Komisije.

- III. U okviru četvrte tačke dnevnog reda Komisija je upoznata o pozivu ispred OSCE Programa za podršku Parlamentu članovima Komisije da učestvuju u seminaru 24-26 Novembra 2001.god., te su pozivi upućeni svim članovima Komisije.

Predsjedavajući Komisije

Emina Začiragić
